

De Ceratis.

CAP. XLVI.

Ceratum, siue cerotum, *Κηρωτόν*, Galeno, quod magna ex parte cera constet, vel à cera & oleo nomen habet, & à Græcis, referente Galeno *a*, emplastrum & malagma, ab Ægineta *b* *μυρακοπέον* vocatum: Medicamenti genus est ex oleis, gummatibus, succis, aliisque simul cera vnitis constans: consistentia inter vnguentum & emplastrum medium: Illo enim solidius: hoc vero minus, quamuis non semper eadem sit forma, cum aliquando humidius, aliquando siccius fieri possit.

Horum materia eadem est, quæ linimentorum & vnguentorum vtpote cera, propolis, pix, resina, adeps, oleum & pulueres. In quorum mixtione proportio seruanda, quæ ex Galeno *c* in cerati rosacei descriptione colligitur; vt tripla vel quadrupla proportio sit olei ad ceram, & tale ceratum Galenus *d* humidum vocat, e.g. Si olei ζ ij. sint, ceræ sit ζ . β resinæ ζ ij. pulueris vel specier. ζ ij. vel ζ iij. additur resina, vt tenacius parti adhæreat, & diutius, quod ex Galeno *e* colligitur, in quem etiam finem forma hæc inuēta. Omnium autem accommodatissima resina est terebinthina, aut larycea.

Sunt autem duplicia: alia enim sunt vere cerata; alia vero minus proprie; & à similitudine sic dicta, quæ præter oleum & ceram, herbas & alia recipiunt: Proprie enim dicta cerata ex cera & oleo componuntur.

Rursus

a 7. de compos. secundum gener. 5.
b lib. 7. cap. 20.

c de compos. secundum genera 2.

d 10. metho

e 1. de compos. med. secundum genera 12.